



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 3. Pravilnika o kriterijima i načinu sufinansiranja projekata ustanova socijalne zaštite u 2025. godini broj 09/B-11-831/25 od 11.03.2025. godine, tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV
za dodjelu novčanih sredstava za sufinansiranje projekata ustanova socijalne zaštite u 2025. godini

1. PREDMET JAVNOG POZIVA

Predmet ovog Javnog poziva je dodjela novčanih sredstava za podršku projektima javnih ustanova socijalne zaštite u svrhu podrške radu i/ili kapitalnih ulaganja.

2. CILJ JAVNOG POZIVA

Cilj ovog Pravilnika je osiguravanje uvjeta za pružanje kvalitetnije usluge javnih ustanova socijalne zaštite kao i davanje doprinosa socijalnoj inkluziji najosjetljivijih kategorija.

3. FINANSIJSKA SREDSTVA

Sredstva na poziciji kapitalnog transfera 615114-1D u iznosu od 50.000,00 KM i sredstva na poziciji tekućeg transfera 614114-5A u iznosu od 50.000,00 KM raspoređivati će se u skladu sa odredbama Pravilnika o kriterijima i načinu sufinansiranja projekata ustanova socijalne zaštite u 2025. godini broj 09/B-11-831/25 od 11.03.2025. godine.

Planirana sredstva za ove namjene u Budžetu Općine Centar Sarajevo za 2025. godinu iznose 100.000,00 KM.

Ovisno o broju projekata koji se budu kvalificirali za dodjelu finansijskih sredstava za podršku radu ustanova (budžetska pozicija 614114) pojedini projekti će moći biti podržani u minimalnom iznosu od 5.000,00 KM i maksimalnom iznosu do 10.000,00 KM.

Ovisno o broju projekata koji se budu kvalificirali za dodjelu sredstava potrebnih za sufinansiranje kapitalnih ulaganja ustanove (budžetska pozicija 615114) pojedini će moći biti podržani u minimalnom iznosu od 10.000,00 KM i maksimalnom iznosu do 15.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

4. KRITERIJI ZA DODJELU SREDSTAVA

Utvrđuju se opći i posebni kriteriji za dodjelu sredstava javnim ustanovama socijalne zaštite kako slijedi:

OPĆI KRITERIJI

- 1) Da je javna ustanova registrirana za pružanje jedne ili više usluga socijalnog zbrinjavanja i socijalne podrške na području Federacije BiH;
- 2) Da je ustanova opravdala sredstva koja su od strane Općine Centar Sarajevo dodijeljena u prethodnim budžetskim godinama.

POSEBNI KRITERIJI (sredstva za podršku radu)

- 1) Ukupan broj osoba koje su smještene u ustanovu socijalne zaštite;
- 2) Ukupni planirani izdaci potrebni za rad ustanove u 2025. godini.

POSEBNI KRITERIJI (kapitalna ulaganja)

1) Da posjeduje projektnu dokumentaciju sa obrazloženjem za kapitalnim ulaganjem i precizno definiranom finansijskom konstrukcijom odnosno predračunom na nabavku sredstava;

2) Projekcija broja smještenih osoba na koje će direktno pozitivno utjecati kapitalno ulaganje.

5. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- Rješenje o registraciji javne ustanove socijalne zaštite (za projekte podrške radu i projekte kapitalnih ulaganja);
- Ukupni planirani izdaci za potrebni za rad ustanove u 2025. godini (za projekte podrške radu);
- Dokaz o broju štićenika smještenih u javnu ustanovu socijalne zaštite (za projekte podrške radu);
- Prijedlog projekta sa jasnim opisom problema, aktivnosti, ciljnom grupom i očekivanim rezultatima (za projekte podrške radu)
- Projektna dokumentacija sa obrazloženjem za kapitalnim ulaganjem i precizno definiranom finansijskom konstrukcijom odnosno predračunom na nabavku sredstava (za projekte kapitalnih ulaganja)
- Predračun nabavke opreme (za projekte kapitalnih ulaganja);
- Projekcija broja smještenih osoba na koje će direktno pozitivno utjecati kapitalno ulaganje (za projekte kapitalnih ulaganja)
- Transakcijski račun ustanove.

NAPOMENE: Dokaz da su opravdana budžetska sredstva ukoliko su ista dodijeljena od strane Općine Centar Sarajevo provjerava organ po službenoj dužnosti.

Jedna javna ustanova može aplicirati i sa projektima podrške radu ustanove i sa projektima kapitalnih ulaganja u ustanovu pri čemu će voditi računa o potrebnoj dokumentaciji koju je potrebno priložiti.

6. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren 30 dana od dana njegovog objavljivanja.

Pristigle prijave, nakon zatvaranja javnog poziva, razmatra Komisija za provođenje javnog poziva koju će rješenjem imenovati Općinski načelnik.

Nepotpune i neblagovremene prijave neće se uzimati u razmatranje.

Komisija za provođenje javnog poziva će u roku od 15 dana od dana zatvaranja javnog poziva sačiniti preliminarnu listu korisnika sredstava, istu objaviti na web stranici Općine Centar Sarajevo te ostaviti mogućnost isticanja prigovora u roku od 8 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 15 dana od dana ulaganja prigovora odlučiti o istom.

Nakon isteka roka za prigovore odnosno donošenja odluka o prigovorima, Komisija za provođenje javnog poziva pristupa izradi prijedloga odluke o sufinansiranju projekata javnih ustanova socijalne zaštite.

Odluku o dodjeli sredstava donosi općinski načelnik i ista se objavljuje se na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za 2025. godinu.

Praćenje utroška sredstava vrši Služba za boračko-invalidsku i socijalnu zaštitu.

Dodatne informacije se mogu dobiti na broj telefona: 033/562-353.

Općinski načelnik

Srđan Mandić

